

Inatsisartut suleriaasianni § 33 naapertorlugu aalajangiiffigisassatut siunnersuut ataani pineqartoq matumuuna Naalakkersuisunit saqqummiunneqarpoq:

Inunnt paasissutissat oqartussanit suliarineqartarnerisa inatsisit naapertorlugit suliarineqartarnerat pillugu Kalaallit Nunaannut inatsisip atortuulersinnissaa pillugu peqqussummut Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Naalakkersuisut Siulittaasuat)

1. Aalajangiiffigisassatut siunnersuutip imarisai

1.1. Inatsisissatut siunnersuutip tunuliaqutaa

2016-imi taamanikkut paasissutissanik illersuisarneq pillugu najoqqutassiamut 95/46/EF-mut taarsiullugu paasissutissat illersornissaannut najoqqutassiaq nutaaq EU-mit akuerineqarpoq. Nutaartaanni Paasissutissat illersornissaannut Peqqussut (EU) 2016/679 aamma inatsisit naapertorlugit suliaqartarnissamut najoqqutassiaq (EU) 2016/680 ilaalerput. Paasissutissat illersornissaannut Peqqussut ullormi 25. maj 2018 atorineqarluni aallartippoq.

Taakku marluullutik nunarsuaq tamakkerlugu paasissutissanik illersuisarnermut najoqqutassanik nutaanik pilersitsiffiupput. Nunarpasuit tamatuma kingorna paasissutissanik illersuinissamut inatsisaatitik paasissutissat illersornissaannut peqqussummut naleqquttunngortillugit nutarteriffigisimavaat. Taamaaliornikut nunat arlallit nunatut isumannaatsutut EU-kommissionenimit akuerineqarsimapput.

Siunnersuut manna Naalakkersuisut tungaanniit Kalaallit Nunaata nunatut isumannaatsutut akuerineqarsinnaanissaata piareersaaffiginissaanik kissaateqarnerattut isigineqassaaq.

Inunnt paasissutissanut inatsit Kalaallit Nunaannut atortuulersinneqarmat Kalaallit Nunaanni eqqartuussiviit ilanngunneqarsimanngillat. Taamaattoqarsimammat eqqartuussiviit pisortani oqartussat nalunaarsuiffii pillugit inatsimmi 1978-imeersumiiginnarput.

Siunnersuut manna aqqutigalugu Kalaallit Nunaanni eqqartuussivinni paasissutissanik illersuisarnermut tunngavigineqartut danskit eqqartuussivii assigalugit paasissutissanik illersuisarnerit assinganik qaffasissuseqalernissaannut tunngavissamik pilersitsisoqassaaq. Kalaallit Nunaanni eqqartuussiviit inatsisit naapertorlugit suliaqartarnissamut inatsit assigalugu paasissutissanik illersuisarnissamut tunngavinnut ilanngunnissaat, taamaasillutillu inatsisit naapertorlugit suliaqartarnermut maleruqqusanut assingulernissaat Kalaallit Nunaata nunatut isumannaatsutut akuerineqarnissamut qinnuteqaataat pingaartutut isigineqartariaqarpoq.

Siunnersuummut pingaaruteqarluni tunngavilersuutaasoq aamma tassaavoq innuttaasunut paasissutissat isumannaatsuunissaasa pitsaanerulernissaannik Naalackersuisut kissaateqarnerat. Siunnersuut aqputigalugu innuttaasunut Kalaallit Nunaanni Politiinut, unnerluussisussaataitaasunut, eqqartuussivinnut pinerluuteqarsimasunillu isumaginnittoqarfimmut attaveqartunut paasissutissat isumannaatsuunissaat malunnartumik pitsanngortinneqassapput. Oqartussat taakku innuttaasut pillugit paasissutissanik mianernartunik immikkut suliaqartartuupput.

1.2 Inatsimmik piareersaanermi pingaarnerit

Inatsisit naapertorlugit suliaqartarnissamut inatsisip Kalaallit Nunaannut atortussanngortinnissaa pillugu siunnersuummut Kalaallit Nunaanni eqqartuussiviit ilanngunneqarsinnaanersut Naalackersuisut Justitsministeriaqarfimmik isumaqatiginninnuteqarsimapput.

Justitsministeriaqarfiup tunngavilersuutaa tassaasimavoq Kalaallit Nunaanni eqqartuussiviit IT-qarnikkut atortuisa paasissutissanik illersuinissamut piumasaqaatinut inatsisit naapertorlugit suliaqartarnissamut inatsimmi piumasarineqartunut malinnissinnaanersut qularnaaqqaartariaqassasoq.

Naalackersuisut ilassutitut tunngavilersuutaat tassaasimavoq Kalaallit Nunaata nunatut isumannaatsutut EU-kommissionimit akuerineqarnissaa pillugu anguniagaqarneranut tunngatillugu Kalaallit Nunaanni eqqartuussiviit Kalaallit Nunaanni eqqartuussisartutut taamatut akuerineqarnissap anguniarnissaanut paasissutissat naammattumik illersortarnissaannut naapertuuttumik suliaqartarnissaat pisariaqartuusoq. Pisortani oqartussat nalunaarsuiffii pillugit inatsit 1978-imeersoq paasissutissat illersornissaannut qaffasissutsimut naammattutut isigineqanngilaq.

Aamma suna pillugu Kalaallit Nunaanni innuttaasut eqqartuussiveqarfinnik atuisarnerminni Danmarkimi danskit innuttaasuinut sanilliullugu paasissutissanut illersuisarnermut ajornerusumik atugassaqaartitaasassasut Naalackersuisut iluamik paasisinnaanngilaat. Pingaartumik Domstolstyrelsen taakuummata danskit kalaallillu eqqartuussiviinut sulisussat agguataartarnerannut akisussaasut.

Isumaqatigiinniarnert inernerat tassaavoq siunnersuut manna. Kalaallit Nunaanni eqqartuussiviit siunnersuummut ajoraluartumik ilanngunneqarsimanngillat. Taamaakkaluartoq Kalaallit Nunaanni eqqartuussiviit ilanngunneqarsinnaanernut justitsministeri aalajangiisinnaavoq. Peqatigitillugu Domstolstyrelsen suliamik aallartitaqarsimavoq, tassanilu eqqartuussiviit IT-qarnikkut atortui inatsisit naapertorlugit suliaqartarnermut inatsimmi piumasaqaatinik malinnissinnaanersut misissorneqassaaq. Taamatut misissuisoqarnerani Kalaallit Nunaanni eqqartuussiviit IT-qarnikkut atortuisa inatsisit naapertorlugit suliaqartarnissamut inatsimmi piumasaqaatinik malinnissinnaanersut paasineqarumaartoq Naalackersuisut ilimagilluinnarpaat. Taamatut ilimagisaqarnermi IT-qarnermut atortunik IT-nik tuniniaasartut paasissutissanik suliaqartartut

paasissutissat illersornissaannut peqqussummi paasissutissat illersornissaannut piumasagaatinut ilaalersimanersut, matumani IT-nik tuniniaasartut danskiunersut imaluunniit IT-nik tuniniaasartut kalaaliusimatillugit paasissutissanik suliaqartunut inunnt paasissutissanut peqqussummi paasissutissat illersornissaannut piumasagaatinut ilaalersimanersut tunngavigineqarpoq. Tamanna piumasagaatinut atuuttunut naapertuuppoq, tassalu Naalakkersuisuni oqartussat IT-nik tuniniaasartumut IT-qarnermut atortunik tunniussaqaarnissamut isumaqatigiisummik atsiorsimatillugu.

Eqqartuussiviit piaartumik siunnersuummut matumunnga ilaalernissaasa qulakkeernissaa siunertaralugu Naalakkersuisut ineriartornermut malinnaajumaarput.

2. Pisortanut aningaasaqarnikkut allaffissornikkullu sunniutaasussat

Allaffissornikkut aningaasaqarnikkullu sunniutaasussat Danmarkimit akilerneqassapput. Kalaallit oqartussaasuisa inatsisillu naapertorlugit oqartussat suliaqartussat akornanni suleqatigiinnikkut allaffissornikkut aningaasaqarnikkullu sunniutaasussat malittarisassat atuuttut malillugit allanngussanngillat.

3. Inuussutissarsiortunut aningaasaqarnikkut allaffissornikkullu sunniutaasussat

Inuussutissarsiortunut malunnaatilimmik aningaasaqarnikkut allaffissornikkulluunniit sunniuteqartoqarnaviannngilaq.

4. Avatangiisinut, pinngortitamut inuillu peqqissusaannut sunniutaasussat

Avatangiisinut, pinngortitamut imaluunniit inuit peqqissusaannut sunniuteqassanngilaq.

5. Innuttaasunut sunniutaasussat

Innuttaasut inummut paasissutissaatik Kalaallit Nunaanni Politiinit suliaritissinnaassavaat, paasissutissat illersortarnissaannut annerusumik pingaartitsinikkut iluaquserneqassapput. Kalaallit Nunaanni Politiit peqqussutip atortuulersinnerata kinguninngua paasissutissat illersornissaannut siunnersortimik atorfinitsitsissapput. Siunnersorti naammagittaalliuutinik innuttaasut Kalaallit Nunaanni Politiit paasissutissanik illersuisarnerannut tunngatillugu pigisinnaasaannut tigusaqartassaaq.

Kalaallit Nunaanni eqqartuussiviit peqqussummut ilaaleriarpata innuttaasunut paasissutissanik illersuisarneq malunnartumik qaffaaffigineqassaaq. Taamatuttaaq paasissutissanik unioqqutitsinermut atatillugu naammagittaalliorsinnaanerit pitsaanerulissaaq, ilaatigut eqqartuussiviit paasissutissanik illersuisussamik toqqaanerisigut ilaatigullu peqqussutit innuttaasut naammagittaalliorsinnaanerannut aalajangersakkanik ersarissunik imaqarnerisigut.

Innuttaasunut Pinerluuteqarsimasunik Isumaginnittoqarfimmu ilaasunut paasissutissanik illersuisarnermut qaffasissuseq peqqussutip Pinerluuteqarsimasunik Isumaginnittoqarfimmu

atuutilersinnissaa tikillugu inunmut paasissutissat pillugit peqqussut naapertorlugu massakkut paasissutissat illersuiffiginissaannut ilaaginnassapput.

6. Sunniutaasussat allat pingaarutilit

Sunniutaasussanik allanik malunnaatilinnik soqassanngilaq.

7. Oqartussanut kattuffinnullu tusarniaaneq

Siunnersuut piffissami 17. juli - 14. august 2022 tamanut tusarniutigineqarsimavoq.

8. Tusarniaanermi akissutit

Tusarniaanermut akissutinik tigusaqartoqarsimanngilaq.